

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj 35/05) i Odluke Vlade Federacije BiH o usvajanju Programa utroška sredstava – Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama - Udruženja proistekla iz posljednjeg odbrambeno-oslobodilačkog rata“ utvrđenog Budžetom Federacije BiH za 2026. godinu, („Službene novine Federacije BiH, broj 28/26), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvo za pitanja branitelja i invalida domovinskog rata, objavljuje:

JAVNI POZIV

za podnošenje zahtjeva za ostvarivanje prava na dodjelu sredstava po programu utroška sredstava – Poboljšavanje društveno-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama – Udruženja proistekla iz posljednjeg odbrambeno-oslobodilačkog rata“ utvrđenog Budžetom Federacije Bosne i Hercegovine za 2026. godinu

I.

Predmet Javnog poziva je sufinansiranje programa rada udruženja/saveza proisteklih iz posljednjeg odbrambeno-oslobodilačkog rata.

II.

Pravo učestvovanja na Javnom pozivu ostvaruju udruženja/savezi koji su registrovani za obavljanje djelatnosti (poslova) koje se odnose na branilačku populaciju, a koji okupljaju najmanje 60% svojih članica registrovanih na nivou kantona sa istim baznim nazivom saveza uz dodatak naziva kantona u kojem su registrovani i registrovani su na federalnom nivou ili na nivou Bosne i Hercegovine, sa projektima usmjerenim na realizaciju ciljeva ovog programa.

Ciljevi programa su: podrška u realizaciji projekta od značaja za rad udruženja/saveza, poboljšanje položaja članova saveza, poboljšanje ambijenta za život i rad branilačkih populacija, poboljšanje uslova efikasnijeg i uspješnijeg doškolovavanja, edukacije, liječenja, rješavanja stambenog pitanja, pomoć u radu udruženja/saveza, te zaštite branilačkih populacija po pitanju pravne i materijalne sigurnosti.

III.

Pravo učešća po ovom Javnom pozivu nemaju podnosioci zahtjeva iz tačke II. ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV.

Prijedlog raspodjele i isplate namjenskih sredstava iz tačke I. ovog poziva vršit će se u skladu sa Kriterijima za raspodjelu, korištenje, kontrolu i izvještavanje o utrošku sredstava za "Tekući transfer neprofitnim organizacijama – Udruženja proistekla iz posljednjeg odbrambeno-oslobodilačkog rata" u 2026. godini, koje donosi federalni ministar za pitanja boraca i invalida odbrambeno-oslobodilačkog rata.

V.

Opći eliminatorni kriterij za odobrenje sredstava za sufinansiranje programa rada udruženja/saveza proisteklih iz posljednjeg odbrambeno-oslobodilačkog rata je:

- da udruženje/savez okuplja najmanje 60% svojih članica registrovanih na nivou kantona sa istim baznim nazivom saveza uz dodatak naziva kantona u kojem su registrovani i registrovani su na federalnom nivou ili na nivou Bosne i Hercegovine;

Mjerljivi podkriteriji za bodovanje su:

- broj članova udruženja koje okuplja;
- broj lica angažovanih na realizaciji projekta;
- visina sredstava potrebna za realizaciju programskih aktivnosti;
- visina učešća sopstvenih te sredstava drugih sufinansijera;
- aktivnosti poduzete na poboljšanju socijalno-statusnog položaja pripadnika branilačkih populacija.

VI.

Sredstva u iznosu od 610.000,00 KM (slovima: šeststotinadesethiljada KM i 00/100) za sufinansiranje programa rada odobrvat će se udruženjima/savezima proisteklim iz posljednjeg odbrambeno-oslobodilačkog rata iz tačke II. Javnog poziva.

Sredstva za finansiranje tradicionalnog održavanja Sportskih igara određena su u ukupnom iznosu od 110.000,00 KM (slovima: stotinudesethiljada KM i 00/100).

Kriteriji za raspodjelu sredstava za finansiranje tradicionalnog održavanja Sportskih igara su:

- da udruženje/slavez okuplja najmanje 60% svojih članica registrovanih na nivou kantona sa istim baznim nazivom saveza uz dodatak naziva kantona u kojem su registrovani i registrovani su na federalnom nivou ili na nivou Bosne i Hercegovine;
- broj članova udruženja koje okuplja.

Navedeni iznos će se odobravati na osnovu planova/programa i to kvartalno u 2026. godini.

VII.

Obavijest o Javnom pozivu će biti objavljena u dnevnim novinama, a integralni tekst Javnog poziva na službenoj web stranici ministarstva: www.fmbi.gov.ba.

Zahtjevi po Javnom pozivu za odabir programa/projekata iz oblasti boračko-invalidske zaštite u 2026. godini, podnositi će se Ministarstvu u toku trajanja Javnog poziva, odnosno u trajanju **od 15 dana** od dana njegovog objavljivanja u dnevnim novinama i na web stranici ministarstva, putem pošte ili lično u zatvorenim kovertama, na adresu:

**Federalno ministarstvo za pitanja boraca i invalida
odbrambeno-oslobodilačkog rata/Federalno ministarstvo za pitanja branitelja i invalida
domovinskog rata
Hamdije Čemerlića br. 2.,
71000 Sarajevo
sa naznakom:**

"Javni poziv za podnošenje prijave za ostvarivanje prava na dodjelu sredstava iz Budžeta Federacije BiH za 2026. godinu – po Programu utroška sredstava – Poboljšavanje društvenog-ekonomskog statusa pripadnika boračke populacije i očuvanje tekovina odbrambeno-oslobodilačkog rata „Tekući transferi neprofitnim organizacijama – Udruženja proistekla iz posljednjeg odbrambeno-oslobodilačkog rata”.

VIII.

Aplikacioni formular će biti objavljen na web stranici Ministarstva ([www.fmbi.gov.ba.](http://www.fmbi.gov.ba)), a moći će se preuzeti i u prostorijama Pisarnice Ministarstva.
Neblagovremeni i nepotpuni zahtjevi se neće uzimati u razmatranje.
Federalno ministarstvo nema obavezu vraćati predatu dokumentaciju aplikantima.

IX.

Uz zahtjev je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Statut udruženja/saveza – ovjerena kopija;
3. Rješenje o registraciji udruženja/saveza – ovjerena kopija;
4. Rješenja o registraciji kantonalnih saveza – članica udruženja/saveza – kopija;
5. Uvjerenje o poreznoj registraciji udruženja/saveza (identifikacionom broju);
6. Uvjerenje nadležne ispostave Porezne uprave Federacije BiH, ne starije od 30 dana;
7. Kopija ugovora sa bankom ili potvrda od banke iz koje se vidi ko je vlasnik računa;
8. Detaljno opisan projekat ili program za koji se traži sufinansiranje sa finansijskim izračunom prihoda i rashoda;
9. Finansijski plan projekta ili programa za 2026. godinu sa izvorima prihoda i očekivanim rashodima, koji je usvojen od strane nadležnog organa udruženja/saveza na način kako je propisano Statutom udruženja/saveza;
10. Ovjerena izjava o visini učešća sopstvenih sredstava i sredstava drugih finansijera;
11. Potvrda o broju članova udruženja/saveza ili ovjerena kopija zadnje stranice registra članstva;
12. Ovjerena izjava o broju lica pripadnika branilačke populacije angažovanih na realizaciji projekta;
13. Izvještaj o rezultatima dosadašnjih realizovanih projekata i njihov značaj za članstvo u udruženju/savezu i značaj za daljnji rad;
14. Izvještaj o kontinuitetu započetih, a nezavršenih programa/projekata.



Broj: 01-37/2-1094/26
Sarajevo, 21.04.2026. godine